



აჭარის ავტონომიური რესპუბლიკის უმაღლესი  
საბჭოს ჯანმრთელობის დაცვისა და  
სოციალურ საკითხთა კომიტეტის საქმიანობის  
01.01.2023 – 31.12.2023 წლის პერიოდის

ა ნ გ ა რ ი შ ი

აჭარის ავტონომიური რესპუბლიკის უმაღლესი საბჭოს ჯანმრთელობის დაცვისა და სოციალურ საკითხთა კომიტეტის მიერ წარმოდგენილ ანგარიშში ასახულია 2023 წლის 1 იანვრიდან 2023 წლის 31 დეკემბრის მდგომარეობით კომიტეტის მიერ მომზადებული და ინიცირებული საკანონმდებლო საქმიანობის ნუსხა, განხორციელებული მნიშვნელოვანი ღონისძიებების, მოსახლეობასთან და სამედიცინო დაწესებულებების პერსონალთან შეხვედრების შესახებ ინფორმაცია.

კომიტეტის თავმჯდომარე

ილია ვერძაძე

კომიტეტის თავმჯდომარის მოადგილე

ლევან ანთაძე

კომიტეტის წევრები:

ფატი ხალვაში

დავით თედორაძე

ლაშა სირაზიძე

### კომიტეტის აპარატი

აპარატის უფროსი

ლელია ღოღობერიძე

თავმჯდომარის თანაშემწე

მამუკა კაკაბაძე

უფროსი სპეციალისტი

კახა ფუტყარაძე

უფროსი სპეციალისტი

მარინე მანელიშვილი

უფროსი სპეციალისტი

ინგა რომანაძე

### კომიტეტის საქმიანობის ძირითადი მიმართულებები, ამოცანები და ფუნქციები

აჭარის ავტონომიური რესპუბლიკის უმაღლესი საბჭოს ჯანმრთელობის დაცვისა და სოციალურ საკითხთა კომიტეტი შექმნილია უმაღლესი საბჭოს უფლებამოსილების ვადით, რომელიც მუშაობას წარმართავს საქართველოს კონსტიტუციით, „აჭარის

ავტონომიური რესპუბლიკის სტატუსის შესახებ” საქართველოს კონსტიტუციური კანონით, აჭარის ავტონომიური რესპუბლიკის კონსტიტუციით, უმაღლესი საბჭოს რეგლამენტითა, სხვა საკანონმდებლო აქტებითა და სამოქმედო გეგმით.

კომიტეტი საანგარიშო პერიოდში თავისი კომპეტენციის ფარგლებში ახორციელებდა საკანონმდებლო საკითხების წინასწარ მომზადებას, უმაღლესი საბჭოს გადაწყვეტილებათა შესრულებისათვის ხელის შეწყობას, უმაღლესი საბჭოს წინაშე ანგარიშვალდებული ორგანოებისა და მთავრობის საქმიანობის კონტროლს.

კომიტეტის საქმიანობის ძირითადი მიმართულება გახლდათ, რეგიონის მოსახლეობის ჯანმრთელობისა და სოციალური დაცვის სფეროში სახელმწიფო პოლიტიკის გატარება, რისთვისაც უპირველეს ამოცანად მივიჩნევდით ჯანდაცვის მართვის ორგანიზაციაში თანამედროვე მეთოდებისა და პრინციპების დანერგვას. ჩვენი საქმიანობის ძირითადი ორიენტირი იყო ჯანმრთელობის დაცვისა და სოციალური დახმარების პროგრამების შემუშავებაში, განხილვასა და დამტკიცებაში აქტიური მონაწილეობა, რომელიც მიზნად ისახავდა მოსახლეობისათვის ინფორმირებულობას სამედიცინო დახმარების ხელმისაწვდომობაზე. რომელიც რეგიონის ეკონომიკური შესაძლებლობიდან გამომდინარე, მაქსიმალურად უზრუნველყოფდა ჯანმრთელობის დაცვის კუთხით მოსახლეობის მოთხოვნებისა და ინტერესების გატარებას.

### კომიტეტის სხდომების სტატისტიკა

ჯანმრთელობის დაცვისა და სოციალურ საკითხთა კომიტეტი საანგარიშო პერიოდში მუშაობას წარმართავდა კომიტეტის წევრების მიერ წარმოდგენილი წინადადებების საფუძველზე შემუშავებული პერსპექტიული სამუშაო გეგმის შესაბამისად.

კომიტეტის სამუშაო გეგმა მოიცავდა, როგორც კანონშემოქმედებით, ასევე უმაღლესი საბჭოს წინაშე ანგარიშვალდებული ორგანოებისა და ჯანდაცვის სისტემაში შემავალი დაწესებულებების ხელმძღვანელთა ინფორმაციებსა და ანგარიშებს. ასევე სხდომაზე პერიოდულად იხილებოდა სხვადასხვა აქტუალური საკითხები.

საანგარიშო პერიოდში ჩატარებულია სულ 8 სხდომა. მათ შორის:

- კომიტეტის სხდომა – 6;
- კომიტეტების ერთობლივი სხდომა – 2;

სულ კომიტეტის სხდომებზე განხილული იქნა 28 საკითხი, აქედან:

- კანონპროექტი 11;
- სხვადასხვა უწყებისა და დაწესებულების ხელმძღვანელთა ანგარიში და ინფორმაცია - 17.

საანგარიშო პერიოდში კომიტეტის მიერ სხვადასხვა საკანონმდებლო ინიციატივის თაობაზე მომზადებულია 8 დასკვნა.

### **კომიტეტის შეხვედრების სტატისტიკა**

კომიტეტს ჰქონდა 2 სამუშაო შეხვედრა, რომელზეც მოსმენილი იქნა შემდეგი ინფორმაციები:

1. აჭარის ავტონომური რესპუბლიკის ჯანმრთელობისა და სოციალური დაცვის მინისტრის, საზოგადოებრივი ჯანდაცვის ცენტრისა და სამედიცინო დაწესებულებების ხელმძღვანელთა ინფორმაცია სეზონური ვირუსული დაავადებების შემთხვევათა მატებასთან დაკავშირებით;

2. ჯანმრთელობის დაცვისა და სოციალურ საკითხთა კომიტეტის თავმჯდომარე ილია ვერძაძე “ირმა ხვიჩიას რეაბილიტაციის ცენტრის“ კლინიკურ დირექტორს - ირმა ხვიჩიას, „მედიქლაბჯორჯიას“ წარმომადგენლებს - „საქართველოს მყიდვე x სინდრომის ცენტრის“ კოორდინატორს ნაზი ტაბატაძესა და „ნეიროგენეტიკისა და მეტაბოლიზმის ცენტრის“ დირექტორს თამარ გაჩეჩილაძეს შეხვდნენ. სამუშაო შეხვედრა აჭარაში აუტისტური სპექტრის მქონე ბავშვთა საჭიროებებს, სკრინინგს, დიაგნოსტიკას, მკურნალობას, მონიტორინგსა და მკურნალობის ახალ მეთოდებზე ხელმისაწვდომობის საკითხებს დაეთმო.

### **კომიტეტში შემოსული განცხადებების, წერილების, კორესპონდენციების და მოქალაქეთა მიღების სტატისტიკა**

კომიტეტი თავისი კომპეტენციის ფარგლებში მუდმივ დახმარებას უწევდა მოსახლეობას სხვადასხვა პრობლემების გადაჭრაში.

საანგარიშო პერიოდში კომიტეტში შემოსულია 234 წერილი, აქედან მოქალაქეთა განცხადება 120; კანონპროექტი - 11 და სხვადასხვა უწყებებიდან და ორგანიზაციებიდან - 103.

მოქალაქეთა განცხადებების უმრავლესობა მოიცავდა სამედიცინო სფეროს, ნაწილი ითხოვდა სოციალურ დახმარებას, ხოლო შედარებით მცირე ნაწილი მოითხოვდა დასაქმებას.

კომიტეტში შემოსული ყველა განცხადება კომიტეტის აპარატის მიერ აყვანილი იყო კონტროლზე და შესწავლილი იქნა დადგენილ ვადებში. განცხადებების დიდი ნაწილი რეაგირებისათვის გადაეგზავნა შესაბამის უწყებებს, საიდანაც მიღებულია პასუხები მათ მიერ გატარებული ღონისძიებების თაობაზე.

მოქალაქეთა განცხადებებში დასმული საკითხების ოპერატიულად გადაწყვეტის მიზნით დანერგული გვქონდა მათი კომიტეტის სხდომებზე განხილვის პრაქტიკა. გარდა ამისა საანგარიშო პერიოდში კომიტეტში მიღებაზე იყო 185 მოქალაქე, კომიტეტში შემოსული განცხადებებიდან ნაწილი ეხებოდა მოქალაქეთა მკურნალობას,

ნაწილი კი სოციალურ პრობლემებს. ყველა მოქალაქეს ჩვენი კომიტეტის კომპეტენციის ფარგლებში გაეწია შესაძლო დახმარება.

აღსანიშნავია, რომ კომიტეტის უშუალო ჩარევით, სახელმწიფო და ადგილობრივი სამედიცინო პროგრამების ფარგლებში დახმარება გაეწია და ოპერაციული მკურნალობა დაუფინანსდა 210 მოქალაქეს (განცხადების გარეშე). ასევე, აღსანიშნავია ისიც, რომ ჯანმრთელობის დაცვისა და სოციალურ საკითხთა კომიტეტი და კომიტეტის აპარატი აქტიურად არის ჩართული ნებისმიერი მოქალაქის მიმართ დახმარების გაწევის 24/7 რეჟიმში და გამოვთქვამთ მზაობას გავაგრძელოთ კონსულტაცია და აღმოვუჩინოთ შესაბამისი დახმარება ნებისმიერ ადამიანს.

### **სამოქალაქო სექტორთან ურთიერთობა**

კომიტეტის საქმიანობის ერთ-ერთ ძირითად პრიორიტეტად მიჩნეულია კომიტეტის წევრების მოსახლეობასთან, ჯანდაცვის სფეროში დასაქმებულ მედპერსონალთან, პრესისა და მასმედიის წარმომადგენლებთან ურთიერთ-თანამშრომლობა, არსებული პრობლემების შესწავლა და მათზე რეაგირება.

საანგარიშო პერიოდში კომიტეტის წევრებსა და აპარატის თანამშრომლებს შეხვედრები ჰქონდათ სხვადასხვა სამედიცინო დაწესებულებების მედპერსონალთან. აღნიშნული შეხვედრების ძირითადი მიზანი გახლდათ საფუძვლიანად შეგვესწავლა ის პრობლემები, რომელთა გადაჭრის გარეშე ჯანდაცვის სფეროში სახელმწიფო რეფორმების გატარება და მოსახლეობის სამედიცინო დახმარების მდგომარეობის გაუმჯობესება შეუძლებელი იქნება.

შეხვედრის დროს დასმული იქნა სხვადასხვა პრობლემური საკითხი, რომელთა უმრავლესობა ეხებოდა სამკურნალო დაწესებულებების კვალიფიციური სამედიცინო კადრების სიმცირის, სახელფასო განაკვეთების გაზრდის და ექიმამდელი სამედიცინო დახმარების პუნქტების (სოფლის ამბულატორია) რეაბილიტაციის და სამედიცინო დაწესებულების წინაშე სოციალურად დაუცველ პაციენტთა დავალიანებების საკითხებს, რომელთა უმეტესი ნაწილი მოგვარებული იქნა. ერთ-ერთ პრობლემურ საკითხად რჩება პაციენტთა ინფორმირებულობა და კომუნიკაცია, რის გადაწყვეტაზეც სამკურნალო დაწესებულებების და შესაბამისი უწყებების ხელმძღვანელობასთან ინტენსიურად ვთანამშრომლობთ.

### **კომიტეტის მიერ ორგანიზებული ღონისძიებები:**

1. 2023 წლის 19 მაისს უფასო სამედიცინო კვლევები ჩატარდა ქედასა და შუახევის მუნიციპალიტეტში.
2. 2023 წლის 26 აპრილს უფასო სამედიცინო კვლევები ჩატარდა ხულოს მუნიციპალიტეტში.

3. 2023 წლის 28 დეკემბერს წლის შემაჯამებელი ღონისძიება გაიმართა, სადაც წლების განმავლობაში გაწეული საქმიანობისათვის ღვაწლმოსილი ექიმები სიგელებით დააჯილდოვეს.

**აღსანიშნავია აგრეთვე კომიტეტის აქტიური ჩართულობა და მონაწილეობა სხვადასხვა სახის ღონისძიებებში, კერძოდ:**

- 2023 წლის 17 იანვარს ბათუმში, კენ ვოლკერის სამედიცინო რეაბილიტაციის საუნივერსიტეტო კლინიკაში გამართულ სამუშაო შეხვედრა;
- 2023 წლის 1 თებერვალს ბათუმში გამართულ შეხვედრა-დისკუსიას დაესწრო თემაზე - „ზრუნვა ახალგაზრდობის ფსიქიკური კეთილდღეობოსთვის და არსებული სერვისები აჭარის რეგიონში“;
- 2023 წლის 11 თებერვალს „საზღვაო სფეროში დასაქმების ხელშეწყობის ქვეპროგრამის შედეგების შემაჯამებელი ღონისძიება“;
- 2023 წლის 11 თებერვალს კოლეჯ „ბლექსის“ მშენებლობის დაწყების საზეიმო ცერემონიის ღონისძიება;
- 2023 წლის 5 მარტს პოლონეთში ტურიზმისა და დასვენების მეთოთხმეტე საერთაშორისო გამოფენის გახსნის ღონისძიება;
- 2023 წლის 21 მარტი, დაუნის სინდრომის საერთაშორისო დღე ;
- 2023 წლის 24 მარტს წიგნისა და უმაღლესი განათლების პირველი საერთაშორისო გამოფენაში მონაწილეობა;
- 2023 წლის 31 მარტს საქართველოს ჯანდაცვის სამინისტროსა და იაპონიის საერთაშორისო თანამშრომლობის სააგენტოს უფროს მრჩეველს კეიკო ოზაკსა და ამავე სააგენტოს წარმომადგენლებს შეხვდნენ, სადაც დედათა და ბავშვთა ჯანმრთელობის გაძლიერების ახალ პროექტზე მონაწილეობა;
- 2023 წლის 2 აპრილი, აუტიზმის ცნობადობის ამაღლების საერთაშორისო დღე, ირმა ხვიჩიას სარეაბილიტაციო ცენტრში ღონისძიება;
- 2023 წლის 27 აპრილს „დასაქმების ფორუმი 2023“ ღონისძიება;
- 2023 წლის 6 მაისს აჭარის დასაქმების სააგენტოს ორგანიზებით გამართულ საინფორმაციო შეხვედრაში მონაწილეობა;
- 2023 წლია 15 მაისს ბათუმში, კენ ვოლკერის სამედიცინო რეაბილიტაციის საუნივერსიტეტო კლინიკაში გამართულ სამუშაო შეხვედრას დაესწრო;
- 2023 წლის 19 მაისს „ტურიზმისა და სასტუმრო აღჭურვილობის“ რიგით მე-14 საერთაშორისო გამოფენა „EBIT 2023“-ს ღონისძიება;
- 2023 წლის 26 მაისს საქართველოს პარლამენტის ჯანმრთელობის დაცვისა და სოციალურ საკითხთა კომიტეტის მორიგ სამუშაო შეხვედრა;

- 2023 წლის 1 ივნისი, ბავშვთა საერთაშორისო დღისადმი მიძღვნილი ღონისძიება, წმინდა მატათა მოციქულის სახელობის ფონდის, მცირე საოჯახო ტიპის ბავშვთა სახლისა და „თანა“-ს აღსაზრდელებთან შეხვედრა;
- 2023 წლის 2 ივნისს საერთაშორისო კონფერენციაში „ პარტნიორული სისტემის განვითარება საქართველოში გარემოსდაცვითი და შრომის უსაფრთხოების სტანდარტების გასაუმჯობესებლად“ - ჩართულობის ღონისძიება;
- 2023 წლის 11 ივნისს ირმა ხვიჩიას სარეაბილიტაციო ცენტრის შენობის გახსნის ღონისძიება;
- 2023 წლის 19 ივნისს ორგანიზაცია „ცვლილებები თანაბარი უფლებებისთვის“ 10 წლის იუბილესთან დაკავშირებით ღონისძიება;
- 2023 წლის 7 ივლისს ბათუმში სამედიცინო ტურიზმის, ტექნოლოგიებისა და ადჭურვილობის მე-4 საერთაშორისო გამოფენა - „Expo Med Batumi – 2023-ს“ გახსნაში მონაწილეობა;
- 2023 წლის 12 ივლისს ბათუმის უძრავი ქონებისა და ტურიზმის ფორუმს - „Batumi Real Estate 2023“-ის ღონისძიებაში მონაწილეობა;
- 2023 წლის 29 ივლისს საქართველოს პარლამენტის ჯანმრთელობის დაცვისა და სოციალურ საკითხთა კომიტეტის ორდღიან სამუშაო შეხვედრაში მონაწილეობა;
- 2023 წლის 29 ივლისს იაპონური კულტურის ფესტივალის ღონისძიებაში მონაწილეობა;
- 2023 წლის 24 აგვისტოს " მშვიდობის, უსაფრთხოებისა და ადამიანის უფლებების დაცვის" საერთაშორისო ორგანიზაციის წარმომადგენელს ნიდერლანდების სამეფოდან - სესილია ჯოანა ვან პესკის უმასპინძლეს;
- 2023 წლის 1 სექტემბერს საქართველოს პარლამენტის ჯანდაცვის კომიტეტის თემატური მოკვლევის ჯგუფთან შეხვედრაში მონაწილეობა;
- 2023 წლის 8 სექტემბერს სამშენებლო მასალების, ტექნოლოგიებისა და უძრავი ქონების მე-12 საერთაშორისო გამოფენა - Batumi Build – 2023-ის გახსნის საზეიმო ღონისძიებაში მონაწილეობა;
- 2023 წლის 16 სექტემბერს შშმ ადაპტური ტექნოლოგიების მხარდამჭერი პროგრამის თემაზე კონფერენციაში მონაწილეობა;
- 2023 წლის 23 სექტემბერს ანესთეზიოლოგიისა და ინტენსიური თერაპიის მეხუთე საერთაშორისო კონფერენციაში „GEOANESTHESIA-2022“ მონაწილეობა;
- 2023 წლის 6 ოქტომბერს აგროსასურსათო პროდუქციისა და ახალი ტექნოლოგიების მე-11 საერთაშორისო გამოფენა „AGRO BATUMI 2023“-ის ღონისძიება;
- 2023 წლის 11 ოქტომბერს „სკოლა-ბიზნესის ფორუმი“ - ის გახსნის ღონისძიება;
- 2023 წლის 31 ოქტომბერს თურქეთის რესპუბლიკის დაარსებიდან 100 წლისადმი მიძღვნილ საიუბილეო ღონისძიება;
- 2023 წლის 3 დეკემბერი - შშპ პირთა საერთაშორისო დღესთან დაკავშირებული ღონისძიება;
- 2023 წლის 15 დეკემბერს მადრიდში ევროპის რეგიონულ ფორუმში „ხელმისაწვდომი ევროპა: ICT 4 ALL“-ში ღონისძიებაში მონაწილეობა;

- 2023 წლის 20 დეკემბერს USAID-ის „სამოქალაქო განათლების პროგრამის პარტნიორი სკოლების მოსწავლეებთან შეხვედრა;

### კომიტეტის საზედამხედველო და საკანონმდებლო საქმიანობა

უმაღლესი საბჭოს ჯანმრთელის დაცვისა და სოციალურ საკითხთა კომიტეტი თავისი კომპეტენციის ფარგლებში სისტემატურად ახორციელებს უმაღლესი საბჭოს გადაწყვეტილებათა შესრულებისათვის ხელის შეწყობას, უმაღლესი საბჭოს წინაშე ანგარიშვალდებული ორგანოებისა და მთავრობის საქმიანობის კონტროლს.

კომიტეტი მაქსიმალურ ყურადღებას უთმობდა ჯანმრთელობისა და სოციალური დაცვის სამინისტროსთან ერთად ჯანმრთელობისა და სოციალური დაცვის პროგრამების პრიორიტეტების შერჩევას. მიგვაჩნია, რომ ჩვენს მიერ წარმოდგენილი წინადადებების ერთობლივი ანალიზი, შეჯერება, მათი გათვალისწინება მომავალი და მომდევნო წლების ბიუჯეტში სახელმწიფო პროგრამების შემუშავების მიზნით საქართველოს სახელმწიფოს მიერ დეკლარირებულ პრიორიტეტებთან შესაბამისობაშია და მნიშვნელოვანი წინადადებული ნაბიჯი იქნება რეგიონის მოსახლეობის სამედიცინო მომსახურების მაღალი ხარისხის მისაღწევად. ამ მიზნით მომდევნო წლის ბიუჯეტის დამტკიცებამდე კომიტეტის სხდომებზე სამინისტროს წარმომადგენლებთან ერთად განვიხილეთ 2024 წლის სამედიცინო პროგრამების პროექტები.

საანგარიშო პერიოდში კომიტეტის სხდომებზე მოსმენილი იქნა აჭარის ავტონომიური რესპუბლიკის ჯანმრთელობისა და სოციალური დაცვის სამინისტროსა და მისი ქვემდებარე დაწესებულებების ხელმძღვანელთა ინფორმაციები. კერძოდ:

- აჭარის ავტონომიური რესპუბლიკის ჯანმრთელობისა და სოციალური დაცვის მინისტრის ინფორმაცია სამინისტროს 2023 წელს გაწეული მომსახურებისა და 2023 წლის ღონისძიებების შესახებ;
- აჭარის ავტონომიური რესპუბლიკის ჯანმრთელობისა და სოციალური დაცვის პროგრამების შესრულების მიმდინარეობის თაობაზე ყოველკვარტალური ანგარიში (2023 წლის I, II და III კვარტალი);
- სსიპ სოციალური მომსახურების სააგენტოს აჭარის ფილიალის უფროსის ინფორმაცია მიმდინარე და 2023 წელს გაწეული საქმიანობის შესახებ;
- 2023 წლის აჭარის ავტონომიური რესპუბლიკის რესპუბლიკური ბიუჯეტის შესრულების წლიური ანგარიშის განხილვა;



- 2024 წლის აჭარის ავტონომიური რესპუბლიკის რესპუბლიკური ბიუჯეტის პროექტის განხილვა;
- აჭარის ავტონომიური რესპუბლიკის 2024 წლის რესპუბლიკური ბიუჯეტის პროექტის და პრიორიტეტების დოკუმენტის განხილვა.
- სეზონური ვირუსული ინფექციები - მიმდინარეობა, გამოწვევები და პრევენციული ღონისძიებების (ვაქცინაცია) თაობაზე;
- სოციალური პოლიტიკის ძირითადი მიმართულებები - სოციალურად დაუცველთა შეფასების კრიტერიუმების შესახებ;
- პირველადი ჯანდაცვის სექტორში არსებული მდგომარეობა, გამოწვევები და სამომავლო გეგმების თაობაზე;
- ფსიქიატრიული პრობლემების მქონე პირთა, გერიატრიული პაციენტების თავშესაფრით უზრუნველყოფის საკითხების შესახებ;
- დასაქმების სააგენტოს საქმიანობის პოპულარიზაციის მიზნით დაგეგმილი ღონისძიებების შესახებ;
- ეკომიგრანტების საცხოვრებელი ფართით უზრუნველყოფის შესახებ;